

In einem Memorial gibt Erzherzog Sigmund von Österreich unter anderem die Anweisung, "mit der hilf der landschaften" mit den **von Brandis** zu reden und zu handeln.

*Abschr.: TLA, Kopialbücher, Ältere Reihe 1466-1523, Nr. 6-8, LIT. G-I, 1484-1486, fol. 95r – Pap.
Regest: LUB II digital; LLA, Regestensammlung betr. Liechtenstein, TLA, 9a, S. 1192f.*

Sigmund¹ etc. Memorial gen Veltkirch². I

^{a)}Am, ersten solt ir ew gen Veltkirch füegen, daselb sein vnnser leüt von I Bludenz³, Veltkirch, Bregenz⁴, Gütemburg⁵, Newburg⁶ vnd Hohenegk⁷ I beschriben, vnd in vnnser fürnemen der ordnung halber vnnser I lannde entdecken, auch in den haubtman, als Hanns Jacoben von Bodmen⁸ I vnnserm vogt zü Velkirch anzaigen, darauf mit in ratslagen, vnd I fürnemen, was nach dem pesten zü der sachen dienet, vnd alsdann I das mit ayden verschribungen, oder ander notdurft volziehen, als ir I bericht seyt, oder die sachen an yedem end in sunders, vnd zü Bregenz I oder Hohenegk annahen vnd darnach an yedem end also handeln.

Auch mit inen versuechen, mer verstenntüs mit diser lanndschaft I zü machen, also daz die aufeinander aufsehen hetten, vnd züeinander I treulich setzen, oder gar züeinander zü bringen.

Desgleichen mit der **von Brandiss**⁹, auch reden vnd handeln, mit der I hilf, mit vnsern lanndscheften vnd in irer irrung darynn sület I ir ew aigentlichen erkunden vnd die sachen bringen auf das negst.

Desgleichen mit dem von Phannberg¹⁰, vnd den von Embs¹¹ auch reden I vnd handeln, das sy sich mit den iren zu vnns vnd den vnsern tun.

Auch versuechen, die sachen mit Montfort¹² zü befließen vnd nach I merer verstenntnus mit im zu machen.

Auch die sloss, so von vns zü lehen oder phandt sein, sület ir mit I der, so die ynnhaben, von vnnsern wegen ernstlich schaffen fürder- I lichen, vnd nach dem pesten, irm vermügen zü zerichten vnd ob in ichte I mangel were, das sy das an den haubtman bringen. I

^{a)} *Initiale A xx cm.*

¹ Hzg. Sigmund v. Tirol, *1427-†1496. – ² Feldkirch, Vorarlberg (A). – ³ Bludenz, Vorarlberg (A). – ⁴ Bregenz, Vorarlberg (A). – ⁵ Gutenberg, Gem. Balzers (FL). – ⁶ Neuburg, Gem. Koblach, Vorarlberg (A). – ⁷ Hohenegg, Herrschaft im Allgäu. – ⁸ Hans Jakob v. Bodman, Vogt v. Feldkirch, 1477-1491. – ⁹ Freiherren v. Brandis. – ¹⁰ Herren v. Pfannberg. – ¹¹ Herren v. Hohenems. – ¹² Herren v. Montfort.